



## Aningaasanut Nunanullu Allanut Naalakkersuisoq

**Aningaasaqarnermut Ataatsimiititaliap suliaq nr. 01.31.06/07-00281 pillugu ulloq 3. oktober 2007-imi aalajangiinera pillugu Naalakkersuisunut ilisimatitsineq.**  
(Naalakkersuisut ulloq 28. september 2007-imi aalajangiineranni imm. 2c)

**Aningaasaliissutiniq INI-p suliaanit pisoqaanerusunit nunaqarfinni isorliunerusunilu pilersaarummut, kiisalu nammineq inissianik tapiissutitalimmik sanaartornermut nuussinissaq**

Naalakkersuisut **inassutigaaat,**

- kontomi pingaarnermi 87.72.12, 60/40 atorlugu nutarterineq, aningaasaliissutit 4.462.000 koruuninik appartinneqassasut, aningaasaliissutit suliasamat nr. 996.97.500 60/40 atorlugu nutarterineq, 1.256.000 koruuninik, suliasamat nr. 999.97.065 60/40 atorlugu nutarterineq, 2002, 3.206.000 koruuninik agguarlugit
- kontomi pingaarnermi 87.72.22 Nunaqarfinni isorliunerusunilu inissialiortiternermut pilersaarut, suliasamat nr. 998.35.016 Nunaqarfinni isorliunerusunilu inissialiortiternermut pilersaarut, 2007, aningaasaliissutit 8.000.000 koruuninik qaffanneqassasut
- kontomi pingaarnermi 87.72.11 Nammineq inissianik tapiissutitalimmik sanaartorneq, suliasamat nr. 996.37.055 Nammineq inissianik tapiissutitalimmik sanaartorneq, 2007, aningaasaliissutit 11.465.000 koruuninik qaffanneqassasut
- kontomi pingaarnermi 87.72.21 Inissialiortiternermut tapersiissuteqartarneq, iluarsaanissamat immikkullu aserfallatsaaliinissamat taarsigassarsititsineq, aningaasaliissutit 15.003.000 koruuninik appartinneqassasut, aningaasaliissutit suliasamat nr. 999.99.011 Inissialiortiternermut tapersiissuteqartarneq, Taarsigassarsiarititat, 2002, 11.703.000 koruuninik, aamma suliasamat nr. 999.99.030 Inissialiortiternermut tapersiissuteqartarneq, Taarsigassarsiarititat, 2004, 3.300.000 koruuninik agguarlugit.

### **Aningaasaqarnermut Ataatsimiititaliap oqaaseqaatai**

Sanaartugassatut pilersaarutitoqqat A/S Inissiaatileqatigiiffik INI-mit aqunneqartunik "saliinerup" qinnuteqaat matumani pineqartoq ilagaa.

Taamaalilluni BSU-mut taarsigassarsiarititanut 60/40-lu atorlugu nutarterinernut tunngasumik sanaartornermut pilersaarutinit qanganitsanit Sanaartornermut Iluarsaanermullu Aningaasaateqarfimmiittunit 19 mio. kr.-it missaat utertinneqarput. Utertitsinerup kingorna aningaasat inissialiortiternermut kontonut pingaarnernut assigiinngitsunut agguanneqarput.

Aningaasat Sanaartugassanut Iluarsagassanullu Aningaasaateqarfimmit aningaasanut inatsimmi kontomut pingaarnermut 80.00.10-mut, Sanaartugassanut Iluarsagassanullu Aningaasaateqarfimmit nuussinernut tunngasumut, isertitatut utertinneqartarunnaarsimanagerat nutaajuvoq. Tassunga taarsiullugu sanaartugassatut pilersaarutininut aningaasaliussat aningaasanut inatsimmi kontonut pingaarnernut, aningaasaliissummik tunniussivioqqaartunut,

utertinneqarput. Tamatuma sanaartugassanut aningaasaliissutit *isertitatut* inissinneqariataarnerat kingunerisinnaavaa, soorlu matumani taamaattoq.

Periutsimik taama allanngortitsineq Aningaasaqarnermut Ataatsimiititaliamit maannangaaq eqqumiigineqarpoq, tamannami naatsorsuutunik tunniussinermi taamatullu ilassutitut aningaasaliissutitut inatsimmik akuersissutiginninnermi ukiumi aningaasanut inatsisip atuuffiani sanaartugassanut aningaasaliissutigineqarsimasunik eqqortunik Inatsisartunut takutitsinissamut piukkunnarsorinangimmat. Tamatuma saniatigut maannamut periususunut sanilliullugu taama aaqquissuussineq aqukkuminarnerusorinangilaq, tassami aningaasat utertinneqartut suliaassanut nuttaanut nuunneqarnissaat qanorluunniit pisariaqassammat, tamannalu Aningaasaqarnermut Ataatsimiititaliamit pinngitsoorani akuersissutigineqaaqqaartussaalluni.

Apeqqummut tassunga Naalakkersuisut oqaaseqaateqarnissaat Aningaasaqarnermut Ataatsimiititaliamit qinnutigineqassaaq. Tassunga atatillugu periutsimik allanngortitsineq taanna Sanaartornermut Iluarsaanermullu Aningaasaateqarfik pillugu ukiumoortumik nassuiaammi qanoq ersersinneqassanersoq paasissutissiissutigineqassasoq kissaatigineqarpoq.

### **Aningaasaqarnermut Ataatsimiititaliap inassuteqaataa**

Ullumimit ullut suliffiit 14-it qaangiutsinnagit apeqputinik siuliani allassimasunik Naalakkersuisut kalaallisut danskisullu aammalu qarasaasiakkut uunga nassiussillutik akissuteqarnissaat **tunnjavissaatillugu** Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput: [nch@gh.gl](mailto:nch@gh.gl)**.

Inussiarnersumik inuulluaqqusillunga

Augusta Salling  
Aningaasaqarnermut Ataatsimiititaliap siulittaasua